



Sensibilité politique
Boîte postale 83
L-7201 Bereldange

Fernand ETGEN
President vun der Deputéiertechamber
19, um Krautmaart
L-1728 Lëtzebuerg

Lëtzebuerg, den 28/03/2019

Här President,

Sou wéi den Artikel 83 vun eisem Chambersreglement et virgesäit, bieden ech lech, dës parlamentaresch Fro un d'Ministere fir Mëttelstand & Umwelt, Klima a nohalteg Entwécklung weiderzeleeden.

Den Här Minister Delles hat an der Kommissiounssëtzung vum 20te Mäerz, am Kader vum Suivi vun der Petitioun 1107 iwwert d'Reduzierung vu Plastikverpackungen, d'Ausso gemaacht, dass de Plastik am Einzelhandel, zum Beispill bei Kornischongen (concombre), weiderhi benotzt soll ginn. Wéi d'Süddeutsche Zeitung an engem Artikel vum 21te Mäerz 2019 berichtet, huet Aldi ugekënnegt ab Abrëll 2019 op d'Plastikverpackung bei Kornischongen ze verzichten. Intern Tester beim Discounter hätte bestätegt, dass duerch eng Upassung vun der Transportketten d'Qualitéit vum Produit och ouni Plastikverpackung erhale bleift. D'Erspuernis fir den Discounter duerch dës Measure beleeft sech op 120 Milliounen Tonne Plastik pro Joer.

An deem Zesammenhang wéilt ech de Ministeren dës Froe stellen:

- 1. Bleift den Här Minister Delles bei senger Ausso, dass Plastikverpackunge bei Kornischongen net ewechzedenke sinn?
- 2. Ass den Här Minister der Meenung, dass d'Measure, wéi den Discounter se applizéiert, och zu Lëtzebuerg ëmsetzbar wär?
 - Falls nee, firwat net?
 - Falls jo, kéint déi vum Discounter presentéierte Léisung och op aner Produiten applizéiert ginn?
- 3. Op der Säit 176 vum Koalitiounsprogramm präziséiert d'Regierung zum Thema Plastik: "*Des alternatives seront élaborées en associant davantage le secteur du commerce.*" Gedenkt d'Regierung de Gebrauch vum Plastik am Einzelhandel, onofhängeg zu den EU-Direktiven, weider ze legiferéieren? Falls jo, wéini gedenkt d'Regierung de Gebrauch vu Plastik ze legiferéieren a wéi eng zousätzlech Mesurënn si virgesinn?
- 4. Huet d'Regierung scho Gespréicher mat de Verrieder vum lëtzebuergeschen Einzelhandel gefouert? Falls jo, wat waren d'Auskommen vun dëse Gespréicher am Hannergrond vun enger Reduzierung vu Plastik am Einzelhandel?
- 5. Ass den Här Minister Delles der Meenung, dass duerch eng Reduzierung oder ee Verbuet vum Plastik am Einzelhandel d'Produite präisstabil bliewen?

Mat déiwem Respekt,

GOERGEN Marc
Député



www.piraten.lu